

Jamhuuriyadda Somaliland

Komishanka Doorashooyinka Qaranka.



Republic Of Somaliland

National Electoral Commission

**XEERKA ANSHAXA SAXAAFADA EE
DOORASHADA MADAXTOOYADA EE
2017**

**MEDIA CODE OF CONDUCT FOR
PRESIDENTIAL ELECTIONS IN 2017**





OS

XEERKA ANSHAXA SAXAAFADA EE DOORASHADA MADAXTOOYADA EE 2017

ARAR:

1. Xeerkani Anshaxu waxa lagu dhaqi doonaa dhammaan saxaafadda gaarka ah iyo ta dawladdu maamusho xiliga doorashada Madaxtooyada ee 2017 ka. Wuxuu khuseeyaa muddada ka horeysa doorashada, doorashada dhexdeeda iyo mudada ka danbaysa doorashooyinka, waxaanu dhaqangalayaa maalinta ololaha doorashada si rasmi Komishanka Doorashooyinku ugu dhawaaqo, waxaanu ku eg yahay bil kadib maalinta doorashada.
2. Xeerkani Anshaxa waxa ku jira ararta, waxanu dejinaya mabaadiida guud ee ka caawinaysa saxafiyiinta in ay raacaan heerarka habsimo ee ugu sareeya dhinaca xirfada saxaafada iyo gudashada xilkoooda, taas oo ah in ay bulshada siiyan xog sugaran si ay uga qayb-galaan doorashooyinka.
3. Waxa uu xooga saarayaa isla markaana dhawrayaa xaqa shakhsigu u leeyahay in uu xog sugaran helo, waxa uu faahfaahinayaa waxyaabaha saxaafadu doonayso, iyo waxyaabaha saraakiisha goobta, degmada iyo booliisku ay tahay in ay sameeyaan si ay saxaafada uga saacidaan gudashada shaqadooda waxana uu laf-dhabar u yahay saxaafadu in ay iyadu is maamusho taas oo saxeexayaasha Xeerkani ka dhigeen heshiis dhaqangal ah.
4. Xeerkani waxa uu horseedaya ifshan dhex mara Komishanka, xukuumadda, xisbiyada siyaasadda iyo saxaafadda si ay u aqoonsadaan mid kasta waxa laga rajaynayo, xuquuqda iyo masuuliyadaha hab bisayl ku jiro kaas oo horseedaya dhismaha seeska dimuquraadiyadeed ee dalka.
5. Waxa muhiim ah in aan Xeerkani qoraal ahaan uun la ixtiraamin, balse nuxurkiisa guud ahaan la ixtiraamo. Waa in aan loo tafsiirin Xeerkani si kooban si loo waxyeleeyo balanqaadkiisa, oo ah in la ixtiraamo xuquuqda shakhsiyadka, isla markaana aan loo tafsiirin si balaadhan si ay faragelin aan loo baahnayn ugu noqoto xoriyadda rayiga ama ay ka hortagto daabacaadda danta caamka ah.
6. Waxa masuuliyadi ka saaran tahay tafatirayaasha iyo baahiyayaasha in ay u adeegsadaan Xeerkani waxyaabaha la tafatirayo ha daabacnaadeen ama ha noqdeen qaar laga heli karo mareegaha iyo mida la baahiyaba. Waa in ay ka taxadaraan oo ay hubiyaan in si adag ay u dhawraan dadka saxaafada wax ku daabaca, oo ay ku jiraan kuwa aan saxafiyiinta ahayni.
7. Xeerkani waxa uu aqoonsan yahay baahiyadka gaarka ah ee dumarka, dadka laxaadka la' xiliga doorashooyinka iyo dumarka saxafiyiinta ahba, waxa uu waydiisanayaa saraakiisha goobaha codbixinta, saraakiisha dawlada, saraakiisha xisbiyadda iyo saxaafadu guud ahaanwaa in ay ka qayb qaataan hubiyaana in arrimaha dumarka si dhamays tiran loo baahiyio lana tixgasho sharafta iyo ixtiraamka dumarka saxafiyiinta ah in ay hawshooda fushadaan.
8. Si loo buuxiyo doorka saxaafada, ee ah in ay ilaalso qaranka, waxa uu ka dalbanayaa saraakiisha doorashada in aanay saxafiyiinta is hortaagin isla markaana tixgeliyaan hubinta habsami u socodka doorashada.

AB
AS

9. Taas bedelkeeda saxaafada waxa laga doonayaa in ay ula dhaqanto dhamaan xogaha xisbiyada siyaasada dhexdhexaadnimo waxana ay ka rajaynasaaa xukuumadda in ay ku baahiyaa xogtooda saxaafadda dawladda iyo mida gaarka loo leeyahayba.
10. Xukuumaddu waa in ay ula dhaqantaa saxaafadda dawladda iyo ta madaxa banaan si siman, oo ay hagayso ahmiyadda koowaad ee ah in bulshadu hesho xog sugar. Taas bedelkeeda saxaafada waxa laga doonayaa in ay xisbiyada si siman ula dhaqanto.

MABAADI'DA GUUD EE XEERKA ANSHAXA EE SAXAAFADDA EE DOORASHADA 2017 KA:

1. Baahinta saxaafadda wanaagsan waxa haga mihnad aqoosan ama garawsan ahmiyadda muhimka ah ee ay bulshada u hayo iyada oo xaq bulshadu ugu leedahay in ay hesho xog sugar oo ka tarjumaysa xaqiiqda oo sax ah si ay u qaadato go'aan xog-ogaalnimo ku dhisan.
2. Saxaafadda wanaagsani waa mid dheeli-tiran, iskuna miisaanta afkaarta iska soo horjeedda si ay u dheellitirto doodaha xisbiyada iyo shakhsiyadka. Habkaasi waxa uu dhawrayaa xaqaa uu qofku u leeyahay in uu helo xog run ah.
3. Baahinta saxaafadda wanaagsani waxa ay masuuliyyad iska saartaa in ay ka dheeraato in ay bulshada fidno kala dhex-dhigto, mana tebiso war been abuur ah, ama nacayb ka buuxo ama hadal deel-qaaf ah.
4. Haddii barnaamij tebintiisa cidi iibsato, bulshadu waxa ay xaq u leedahay in ay ogaato aqoonsiga qofka, xisbiga ama masuulka bixiyay lacagta barnaamijka.
5. Saxaafaddu waa in ay u dhaqantaa si masuuliyyadi ku dheehan tahay iyaga oo tebinaysa xaqiiqda isla markaana ka dhawrsanaysa in ay qaataan war marin habaabbin samaynaya, kuwaas oo ay ku jiraan sawiro, ama haddalo deel-qaaf ah, faalo aan sax ahayn oo ka dhan ah shakhsiyad ama xisbi.
6. Qof kastaaba waxa uu xaq u leeyahay in loo dhawro noloshiisa gaarka ah iyo nolosha qoyskiisa ee gaarka ah, gurigiisa, caafimaadkiisa iyo isgaadhsiintiisa. Baahintu waa in ay sababayn kartaa ku-xadgudubka lagu sameeyay nolosha gaarka ah ee qofka isaga oon ogolaansho laga helin.
7. Saxafiyiintu waxa ay masuuliyyadni ka saaran tahay in ay baahiyaa baahiyadka gaarka ah ee dumarka, dadka laxaadka la', da' yarta iyo dadka laga tirada badan yahay iyo in ay arrintaasi u soo bandhigaan hab dheeli tiran.
8. Saxaafaddu waa in ay ka fogaaataa in qofka loo aaneeyo qabiilkiisa, jinsigiisa ama xanuun maskaxiyan ah oo kale ama xaalad naafanimo.
9. Saxafiyiinta iyo sawir qaadayaashu waa in ay raacaan shuruucda xuquuqda sawirka iyo hab-raacyadooda.
10. Saxafiyiinta waxa uu waajib ka saaran yahay in ay warka ku saabsan geedi-socodka doorashada iyo ku dhawaaqista doorashada ay qaataan oo kaliya Komishanka Doorashooyinka ee Qaranka.
11. Xogta aan saxda ahayn, marin habaabinta, ama qaladaadka waxa ay u baahan yihiin in la aqoonsado, sixitaanka xogta la baahiyay/daabacay waa in loo sameeyaa sida ugu dhakhsaha badan si looga ilaaliyo bulshadda in ay gaadhaan warbixin qaldani.
12. Waa in fursad caddaalad ah la siiyaa jawaab celinta xogta qaldan ee ay bixinayaan shakhsiyad ama xisbiyo marka si macquula looga dalbado waana in la siiyaa waqtii

DS

yo mug (space) ku filan. Mar kasta oo hay'ad war-baahineed cid dhibane ahi ka dalbato, hay'ada war-baahineedna garawsato.

13. Saxaafadu waa in aanay qaybin xog kasta oo dhaawacaysa sirta gaarka ah ee qofka, ama sumcadooda iyo sharftooda dhaawacaysa
14. Saxaafaddu waa in ay ka dheeraataa baahinta xog ku xad-gudbaysa dhawrsanaanta Diinta Islaamka.
15. Saxaafaddu waa in ay ka taxadartaa in aanay baahin xog dhaawacaysa amniga qaranka. Iyada oo taas laga duulayo, saxaafadu waa in aanay baahin natijjooyinka aan rasmiga ahayn, mala-awaalka ah, ama been abuurka ah, si ay u marin hababiyaan bulshada.
16. Saxaafaddu waa in ay adeegsataa taxadar badan marka ay tebinayso kiisaska ku jira maxkamadaha, ee aan wali la go'aamin, si ay uga taxadaraan in ay dhaawacaan geeddi-socodka dhagaysiga maxkamadda. Balse taasi looma tafsiiri doono in ay xakamaynayso xaqa ay saxaafaddu u leedahay in ay ka warbixiyaan dhagaysiga maxkamadaha.
17. Arrimaha ku lugta leh dhibaato iyo tacsi qof soo gaadhay, waa in waydiimaha iyo habka loo waraysanayaa noqdaa mid naxariisi ku jirto oo dhibta la dareemi karta dhibanayaasha.
18. Sxaafaddu waa in ay ka qayb gashaa nidaamka wacyigelinta bulshada si ay codbixiyayaashu u helaan go'aan xog-ogaalnimo ku dhisan oo ay ugu codeeyaan murashaxa ay rabaan.
19. Wariyayaashu waa in aanay isku dayin in ay warka ku helaan iyada oo isticmaalaya hab sir ah sida kamaradaha qarsoon ama qalabka wax lagu dhagaysto.
20. Saxafiyiintu waa in aanay u dabaal-degin natijjada doorashooyinka. Waa in ay u tabiyaan hab xaqiiqo ku dhisan kana taxadaraan in ay hoos u dhigaan (yaraystaan) xisbiyadda aan guulaysan hab wax u dhimi kara nabadda iyo amniga dalka.

XUQUUQDA IYO RABITAANKA SAXAAFADDA EE XILLIGADOORASHADDA:

1. Dhammaan saxaafadda la ogolaaday waa in ay galaangal macquul ah u yeelan karaan habraaca doorashadda iyo ka-qayb galayaasheeda, kuwaas oo ay ku jiraan maamulayaasha doorashada, goobaha doorashada, murashixinta iyo codbixiyayaasha.
2. Wuxuu lagamaa maarmaan ah in saxaafaddu galaangal u yeelato xogta dawladda.
3. Sxaafaddu waa in ay awoodaa in ay warbixinteeda iyo daraasadeeda ku samayso deegaan ka bad-qaba cabsi-gelin iyo aargoosi.
4. Sxaafaddu waa in ay xor u noqotaa in ay dabooshoo kana warbixiso dhacdooyinka doorashadda iyo doorashadda ka dib hab ku dhisan xaqiiqo iyo sugid.
5. Sxaafaddu waxa ay xor u tahay in ay abaabusho barnaamijyada iyo doodaha la xidhiidha doorashooyinka.
6. Sxaafaddu waa in ay awoodaa in ay si xor ah dalka u tagi karto si ay ula socoto ololaha doorashooyinka ee Xisbiyadda qaranka ama murashixinta una eegto sida maamulka doorashooyinku uu uga shaqaynayo goobaha doorashooyinka;
7. Dhamaan saxaafada waa in loola dhaqmaa si isku mid ah, ha noqoto saxaafada gaarka loo leeyahay ama ta dawladda. Tani waxa ay khuseysaa galaan-galka ay u leeyihii xisbiyada siyaasada, murashixinta, goobaha doorashada iyo xogta.

2
JH
AJ

- OS
8. Maamulka dawladda, xisbiyadda siyaasadda iyo ciddii kale ee ay khuseysaa waa in ay ka waantoobaan in ay faro-geliyaan arrimaha saxafiyiinta iyo shaqaalaha kale ee saxaafadda iyaga oo ujeedadoodu tahay in ay saameeyaan doorashooyinka ay waddaan KDQ.
 9. Si loola dagaalamo wararka been abuurka ah, natijada doorashada waa in la soo saaraa waqt ku haboon lana siyyaa dhamaan saxafiyiinta si looga hortago natijjooyinka mala-awaalka ah.
 10. Saxaafadda ajaanibka ah ee ka hawl-gelaysa Somaliland waxa ay leedahay baahin balaadhan oo muhim ah, iyo dhagaystayaal waxana ay saamayn kartaa cod-bixiyayaasha. Sababtaasi awgeed, adeegyadaasi waa in lagu dhiirigeliya in ay ka warbixiyaan ololaha doorashada ee Somaliland hab qoto dheer leh, iyaga oo tixgelinaya xeerkooda anshaxa ee ku saabsan tebinta doorashooyinka iyo xeerkan hab-dhaqan ee Somaliland.
 11. Komishanka Doorashooyinka Qaranka waxa lagu dhiirigelinayaa in ay la socdaan tebinta warbaahinta ee doorashooyinka ee saxaafadda dibadda iyo in ay sameeyaan hab lagula shaqayn karo oo lagu xaliyo cabashooyinka. Si looga taxadiro wararka kutiri-kuteenka ah ee ku saabsan natijjooyinka doorashooyinka, iyada oo la raacayo Shuruucda Somaliland ee Doorashooyinka, saxaafada waa in la siyyaa natijada hordhaca ah, ee heer qaran oo ay siyyaan Komishanka Doorashooyinku.

MASUULIYAADKA SAXAAFADDA WAQTIGA CODBIXINTA IYO MUDDADA KA HOREYSA:

Saxafiyiinta Somaliland waxa ay dhaqangelin doonaan Qodobada Xeerkana Anshaxa ee soo socda waqtiga doorashadda ka horeysa, waqtiga doorashadda iyo doorashadda ka dib:

Saxaafaddu waxa ay balan qaadaysaa:

1. In ay tabiso ololaha doorashada, muddada codaynta iyo doorasada ka dib una tebiso hab cadaaladi ah, dheeli tiran isla markaana dhexdhexaad ah, kana madhan buun-buunin iyo u xaglin cid gaar ah.
2. In ay hubiso in warku dheeli-tirnaado noqdo dhexdhexaad isla markaana ku salaysnaado xaqiqida markaa taagan, ee ku jira waraysiyadda iyo doodaha kuwaas oo saamayn ku keeni kara maanhagaha (attitude) cod-bixiyayaasha.
3. In ay ka digtoonaadaan in ay siyyaan tabin dheeraad ah ama xad-dhaaf ah xisbiyadda ama murashixiinta qaarkood ama muxaafidka ha noqdaan ama mucaaridka ba.
4. In aanay bixin farriimo doorasho oo dhinac u xaglinaya muddada doorashada, gaar ahaana, maalinta ka horaysa cod-bixinta, si loogu ogolaado codbixiyayaashu in ay go'aankooda ku gaadhaan iyaga oon cadasid saarnayn.
5. Inta suurto-gal ah, in ay si toos ah usoo tebiyaan aragtida murashixiinta iyo xisbiyada siyaasiga ah iyaga oo hadalkooda sidiisa usoo daynaya, oo aanay soo dayn iyaga oo la jar-jaray, si loo marin hababiyo bulshadda ama iyaga oo qof kale sharaxayo. Haddii aanu hadalku xanbaarsanayn deel-qaaf, nacayb, iyo kicin dadweyne, oo wax u dhimi karta amniga iyo xasilooni dalka.
6. In ay damaanad qaadaan xaqaa murashaxu ama xisbiga siyaasiga ahi u leeyahay in uu si deg-deg ah u jawaab-celiyo, haddii sidaa loo baahdo, si xuquuqdaasi loo isticmaali karo muddada lagu jiro ololaha doorashada.

- DS
7. In uu hubiyo in xogta warku tahay mid xaqiiqo ahaan sugan, dhamays tiran, nuxur ahaan khuseysa isla markaana waaqaca ku dhisan.
 8. In ay isticmaalaan erayo dhexdhedaad ah oon dhinacna u xaglinayn, tabinta warbixinaha doorashaduna noqdaan qaar aan ku dhisnayn caaddifad iyo laab-la-kac kana taxadiro erayada farsammo iyo tira-koobka isla markaana hubiyo in ciwaanka warku ka tarjumayo xaqiiqada iyo xogta gudaha ee warku xanbaarsan yahay.
 9. In ay ka dheeraadaan in uu kiciyo/huriyo dareenka caadifadaysan ee arrimaha lagu muransan yahay isaga oo arrimahaasi si caadifadaysan u gudbinaya.
 10. In kala saaro aragtida iyo fasiraada qofka, kuna koobo aragtida iyo faaladda tafatiraha qaybta tafatiraha iyo bogga rayiga iyo barnaamijyadda.
 11. In uu wixii xayaysiis ah si cad u muujiyo isla markaana aanu ku dhex darin warka isla markaana hubiyo in baahinta dacaayaddu waafaqsan tahay Xeerka Anshaxa ee Saxaafadda ee ay wada qaateen Saxaafadda iyo Komishanku Doorashadu.
 12. Saxafiyiinta waxa waajib ku ah in ay isbaraan qofka daacadna ka noqdaan kana caddaalad sameeyaan habka warka ay ku helayaan, u tabinayaan iyo qaabka ay usoo gudbinayaan.
 13. In ilaha warka doorashooyinka ku koobnaado ilaha rasmiga ah ee Komishanka Doorashooyinku masuulka ka yihin.
 14. In ay aanay wax ka bedelin sawirada iyo muuqaalada si ay bulshada u marin hababiyaan.
 15. In aanay ka qaadan wax saamaynaya shaqadiisa qof siyaasi ah ama murashax.
 16. In aanay qadarka laga qaadayo dacaayada kala duwin oo midna aanay qiime jaban siin (qiime dhimis) midna u diidin.
 17. Saxaafada waxa ka reeban gabii ahaanba in ay rayiga bulshada qaado maadaama oo aanay lahayn xirafadii iyo awoodii aqooneed ee habka loo ururiyo rayiga bulshada, isla markaana aanu shacabku u bislayn.
 18. Saxafiyiinta iyo saxaafadu waa in aanay ka hor dhicin natijada doorashada isla markaana aanay ka soo xigan natijadda cid kale oon ahayn Guiddida Doorashooyinka Qaranka, taas oo abuuri karta xasilooni darro iyo kalsoonni darro.
 19. Saxaafadu waa in aanay soo gudbin shirarka jaaraa'id e shaqsi lagu aflagaadayanayo ee bulshada dhexdeeda ka abuuraya nacayb sida qabyalada, cayda shakhsiga ah.
 20. Muddada doorashada saaxafadu waa in aanay gudbin wararka cidi u yeedhiso ama dano dhaqaale ha dhaafsadan ama dan qabiil ha dhafsdan waxaana waajib ah in warka saxafigu gudbinaya noqdo mid si xor ah oo madax banaan uu ku helay kuna dhisan xaqiiq isla markaana waafaqsan anshax wanaagsan iyo akhlaaqda suuban, ee mihnadda saxaafada laga doonayo, waana in uu warkaasi noqda mid bulshada wax taraya oo aan dhibi ku jirin.

MASUULIYADDA WARBAAHINTA DAWLADDA

1. Iyada oo la tixraacayo Wareegtada Madaxweynaha Jamhuuriyada Somaliland ee Tixraaceedu yahay JSL/M/WM/222-5061/092017 ee 30/09/2017, iyo Qodobka 26aad 26aad ee Xeerka Doorashada Golaha Wakiilada (Xeer Lr. 20-2/2005) Warbaahinta Dawladda sida Raadyow Hargaysa, TVga qaranka, iyo jaraa'idka dawladu gacanta ku haysaa, xisbiyadda qaranku waa u siman yihin, waana in ay siiyaan bed, iyo waqtii is-leeg ololaha xisbiyadda siyaasadda ee rasmiga ah;



OS

2. Komishanka Doorashooyinka Qaranku isaga oo arrintaasi kala tashanaya Wasiirka Wasaaradda Warfaafinta iyo Wacyigelinta, iyo xisbiyadda waxa uu dajin doonaa shaxda muddaysan ee loo qoondeeyay sii deynata ololayaasha xisbiyadda qaranka ee kaltanka wararka iyo barnaamijyadda, shaxdaasi waa qayb muhim ah oo ka mid ah Xeerkan Hab-dhaqan;
3. Shaxda muddaysan ee loo qoondeeyay sii deynata ololayaasha xisbiyadda qaranka, waxa Komishanka Qaranku soo saari doonaa ugu yaraan 7 (todoba) cisho ka hor bilawga ololaha doorashada ee Xisbiyadda Qaranka.
4. Guddida Ilaalinta Xeerka Hab-dhaqan saxaafaddu waxa ay si maalinle ah ula socon doonaan barnaamijyadda laga sii daayo Raadyow Hargeysa, TVga Qaranka iyo jaraa'idka dawlada si ay u hubiyaan in ay si dhexdhexaad ah, oo dheelitiran xisbiyadduna u siman yihiin usoo dayaan barnaajiyadooda, waxaanay warbixintooda siin doonaan KDQ;

GUDDIDA ILAALINTA XEERKA HAB-DHAQANKA SAXAAFADDA:

1. Saxeexayaasha Xeerkan Hab-dhaqan waxa ay isku raaceen in la abuuro Guddida Ilaalinta Xeerka Hab-dhaqanka Saxaafadda ee Muddada Doorashada Madaxtooyada 2017, si loo dhaqangesho Xeerkan Hab-dhaqan ee saxaafadda, loona abuuro guddi kormeerta si loo hubiyo fulintiisa loona gudbiyo bulshada iyo dhinacyaddaba in ay raacaan.
2. Guddida Ilaalinta Xeerka Hab-dhaqanka Saxaafadu waxa ay ka kooban tahay 7 xubnood, oo ah aqoonyahano reer Somaliland oo ka kala iman doona:
 - a) Laba wakiil oo ay soo magacaabaan Ururka Saxafiyyinta ee SOLJA;
 - b) Laba wakiil oo uu soo magacaabo Wasiirka Wasaaradda Warfaafintu;
 - c) Hal wakiil oo ka socda ururka Saxafiyyinta Dumarka ee WIJA;
 - d) Laba xubnood oo uu Komishanku ka soo magacaabo qareenadda iyo aqoonyahanka dalka;
3. Komishanku marka uu helo magacaabista xubnaha sare ku xusan, isla markaana hubiyo in ay yihiin dad ku sifoobay dhex-dhexaadnimo, oo buuxiyay shuruudaha u dejisan, waxa uu si rasmi ah u shaacin doonaa magacaabista Guddida.
4. Haddii xubin Guddida loo magacaabay uu Komishanku ku qanci waayo, iyaga oo sababaynaya waxa uu ka dalban doonaa cidda soo magacooday in ay sida ugu dhakhsaha badan usoo bedelato, isla markaana waafaqdo shuruudaha u yaala.
5. Xubnaha Guddida Ilaalinta Xeerka Hab-dhaqanka Saxaafaddu waa in ay ku sifoobaan dhex-dhexaadnimo, daacadnimo, hufnaan, isla markaana waa in aanay xubin firfircoor ka ahayn xisbiyada tartamaya;
6. Xubnaha Guddidu waa in aanay noqon mulkiilayaasha rugaha saxaafada, iyo tafatirayaashooda isla markaana waa in aanay xil ka haynin hay'adaha warbaahineed ee ay ka tirsan yihiin mid dawladeed iyo mid madax banaan ba..
7. Xubnaha Guddidu waxa ay iska dhex dooran doonaan Guddomiye, Guddomiye kuxigeen iyo Xoghaye;
8. Xubnaha Guddidu waxa ay noqon doonaan shakhsiyaaad dhexdhexaad ah, khibrad leh si ay u hubiyaan in Xeerka Anshaxa la fuliyo cabashooyinka la baadho una daabacaan natijadooda.

ZD PR

9. Guddidu waxa ay iskood u kuurgeli doonaan qaabka ay u shaqayso saxaafada dawladda iyo mida gaarka loo leeyahay ba waqtiga doorashada waxana ay warbixinta gunaadkooda siin doonaan Komishanka Doorashooyinka todobaad kasta hal mar, ama kolba sida loogu baahdo inta uu socdo ololaha doorashadu.
10. Guddidu waxa ay si joogto ah xog ku saabsan sida dhinacyadu ugu dhaqmeen Xeerka Anshaxa u siin doontaa Komishanka Doorashooyinka.
11. Guddidu waxa ay yeelan doontaa xafiis ay hawshooda iyo kulamadooda ku qabsadaan, isla markaana u saamaxaya xil-gudashadooda;
12. Guddidu waxa ay kulmi doonaan doorashada ka hor iyo doorashada ka dib si ay u hubiyaan in kormeerkoodu u noqdo mid dheeli tiran oo dhexdhedaad ah si loo wanaajiyoo xidhiidhka u dhaxeeyaa, dawlada, saxaafadda iyo Komishanka Doorashooyinka Qaranka iyo in ay tallo-bixin siyaan.
13. Guddidu waxa ay talo-bixin ka gaysan doonaan habka loo suurtogelin karo doodaha khuseeya in si firfircoon loo adeegsado Xeerka Sxaafadda, Xeerkan Anshaxa taas oo ay ku jiraan qdobada baahinta khuseeya.
14. Guddidu waxa ay talo-bixin ka gaysan doonaan qaabka loo xakamaynayo warbaahinta xisbiyadda u gaarka ah, sida bogooda internetka iyo warbaahinta bulshada (social media), muddada ololaha doorashda iyo ku-dhawaaqista natijadda doorashda.
15. Saxafiga ama rugta saxaafadeed ee ku gefta qdobada Xeerkan, waxa ay guddidu ka dalban doontaa in ay iskood u saxaan,
16. Guddidu waxa ay soo saari doontaa bulshadana usoo bandhigi doontaa warbixinta todobaad leh ah, oo ku saabsan sida saxaafadu ugu dhaqantay Xeerkan Anshaxa muddada doorashooyinka, iyaga oo magac dhabi kara saxaafada ama rugaha saxaafadeed ee ku gafa Xeerka Anshaxa.
17. cid kasta oo ku gefka Qdobadda Xeerkan Anshaxa, isna sixi wayda marka sidaa ay ka dalbado cida ka cabanaya ama Guddidu, talaabadda ku haboon ee laga qaadayo waxa loo raaci doonaa Xeerka Sxaafadda (Xeer Lr. 27/2004), iyo xeerarka kale ee dhaqan galka ah.

XUBNAHA MATALAYA SAXEEXAYAASHA XEERKANI WAXA AY SAXEEXEEN MAANTA OO AY TAARIKHDU TAHAY 16/10/2017.

KOMISHANKA DOORASHOYINKA JSL:

ENG. ABDIQAADIR IIMAAN WARSAME

GUDDOOMIYAHU KOMISHANKA DOORASHOYINKA QARANKA EE JSL

WASAARADDA WARFAAFINTA IYO WACYIGELINTA:

CISMAAN C/LAAHI SAXARDIID "CADAANI"

WASIIRKA WASAARADAD WARFAAFINTA IYO WACYIGELINTA

URURKA SAXAFIYIINTA EE SOLJA:

MAXAMUUD CABDI JAAMAC

GUDDOOMIYAHU URURKA SAXAFIYIINTA EE SOLJA

URURKA SAXAFIYIINTA EE WIJA:

YAASMIIN AXMED YUUSUF

GUDDOOMIYAHU URURKA SAXAFIYIINTA EE WIJA

